

სამედიცინო გაზეთი

თბილისის სახელმწიფო სამედიცინო უნივერსიტეტის გამომცემი
გამოცემის 1957 წლიდან

№1 (279) იანვარი, 2015 წ. www.tsmu.edu



ნომერშია:

**თვალის
სნეულკათა
დეპარტამენტი**

33. 2

**სტუდენტური
თვითმმართველობის
ანგარიში**

33. 3

**OSCE კლინიკურ
ენდოქნოტიასა და
პროკედევიტიკაში**

33. 3

**ოჯახის ექიმის
პრაქტიკაში**

33. 4

**პროფესორი
თეიმურაზ
სილაგაძე – ექიმი
შემოქმედი**

33. 5

„სამედიცინო გაზეთის“
რედაქცია:
ვაჟა ფშაველას გამზირი №33;
ოთახი №415
ტ.: 254-24-64

რედაქტორი
დალი გაგაშია
ტ.: 599 76-25-98
კორექტორები:
მანანა ფხალაძე
ტ.: 555 29-98-27
დარეჯან კოშლაძე
ტ.: 558 17-08-47
ნათო გოლუჟაძე
ტ.: 555 28-28-97
ელ.ფოსტა:
medpressa@yahoo.com

„ქვეყანასა ზედა მშვიდობა და კაცთა შორის სათნოება“...



კვლავ შემობრძანდა შობის ბრწყინვალე დღესასწაული და ჭეშმარიტ ქრისტიანთა გულეშიც კიდევ ერთხელ იშვა უფალი. როგორც საქართველოს კათოლიკოს-პატრიარქი, მცხეთათბილისის მთავარეპისკოპოსი, ბიჭვინთის და ცხუმ-აფხაზეთის მიტროპოლიტი, ილია II საშობაო ეპისტოლეში შეგვასვენებს: „მოხედნა ღმერთმა და ყო სხნა „სიტყვაი იგი ხორციელ იქმნა ერისა თვისა“ (ლუკა, 1,67) და

დაემკვიდრა ჩვენს შორის (ინ. 1,14)... დამთავრდა ძველი აღთქმის უამი და აღსრულდა წინასწარმეტყველთა მიერ ნაუწყებო: ბეთლემის გამოქვაბულში ხორც-შესხმული მოგვევლინა საუკუნეთა უწინარესი ღმერთი – ყრმა იესო. ზეიმობს ცა და ქვეყანა, ხარობს ღვთისმშობელი, რადგან დღეს ნეტარების საუფლოდან განდევნილი ადამის მოდგმა განღმრთობას იწყებს და ჩვენი დაცემული ბუნება სამეფო ღირსებით იმოსება“.

„სამედიცინო გაზეთის“ რედაქცია ყოველთვის ცდილობს ყურადღება მიაპყროს უწმინდესის სიტყვას და მკითხველს გააცნოს მის ეპისტოლეებში გაბნეული ბრძნული რჩევადარიგება, რომელიც გასათვალისწინებელია ყველა მართლმადიდებელი ქრისტიანისთვის.

ნიშანდობლივია, რომ უწმინდესმა წლევანდელ საშობაო ეპისტოლეში ყურადღება გაამახვილა ქრისტიანულ ოჯახზე, რომელიც დაქორწინების აუცილებელი პირობის – სიყვარულის – გარდა, ეფუძნება ცოლ-ქმრის

გაცნობიერებულ შეგნებულ ურთიერთობებს, მათი მოვალეობების სწორად და სათანადოდ გადანაწილებას; იგი შეეხო, აგრეთვე, იმ საფრთხეებს, რომლის წინაშეც მეცნიერულ-ტექნიკური წინსვლა, გლობალიზაცია და მატერიალისტური მსოფლმხედველობა აყენებს თანამედროვე ოჯახს; ასევე, ნარკომანიის და ალკოჰოლიზმის მავნე ზეგავლენას ოჯახის სიმტკიცეზე და სხვადასხვა მანკიერ თვისებასთან (რომელთა შორის დღეს განსაკუთრებით აქტუალურია აგრესია და ძალადობა) ბრძოლის აუცილებლობას. აღინიშნა, რომ დასაგმობია თვითმკვლელობა და აბორტი, რომელიც ძალადობის ყველაზე შემადრწუნებელი სახეა.

ყველამ, – ერმაც და ბერ-შობლო, საკუთარი ოჯახიც და თავიც, პირველ რიგში, ჩვენი ცხოვრება უნდა გამოვასწოროთ; ჩვენში და ჩვენ შორის დაბუდეული ცოდვა და მისი შედეგები – სიკვდილი – უნდა დავძლიოთ და სიკეთისა და სიცოცხლის გამარჯვება ვიზეიმოთ, – ნათქვამია

საშობაო ეპისტოლეში, რომელიც ოპტიმიზმითა და შობის მაცხოვნებელი სიხარულით აღსავსე სიტყვებით სრულდება:

„მაცხოვრის შობის ამ ბრწყინვალე დღეს ზეცა ივსება ანგელოზთა საგალობლით: „ღიდება მალალთა შინა ღმერთსა, ქვეყანასა ზედა მშვიდობა და კაცთა შორის სათნოება“. ბეთლემელი მწყემსებიც და ქალდეველნი მოგვნიც კვლავ მიიჩქარიან, რათა თაყვანი სცენ ყრმა იესოს და ყოვლადწმიდა ქალწულს.

ჩვენც მოვიყაროთ მუხლნი გულისა ჩვენისანი წინაშე უფლისა და დედა ღვთისმშობელს შევთხოვოთ, განგვიღოს მონყალებისა კარი, რათა მადლით აღავსოს ყველანი მორჩილებით მისგან წყალობის მომლოდინენი.

მაშ, განვიწმინდოთ სული, გონება და გული, ჩვენი ზრახვა და გრძნობები, ვაპატიოთ და შევეურიგდეთ ერთმანეთს, რათა ღირს ვიქმნეთ მივეგებოთ ბეთლემში შობილ მაცხოვარს და ცოდვებისგან განთავისუფლებულუბმა აღმოვსტყვათ: **ემმანუელ – ჩვენთან არს ღმერთი!**

ახალი პროექტის მხარდასაჭერად

თბილისის სახელმწიფო სამედიცინო უნივერსიტეტი უერთდება ელიმინაციის კამპანიას – „საქართველო C ჰეპატიტის გარეშე“.

როგორც ცნობილია, მალე დაიწყება C ჰეპატიტის მკურნალობის პროგრამის განხორციელება. ამ ვირუსით დაავადებულთა რაოდენობა ჩვენს ქვეყანაში ძალიან მაღალია. პროგრამა იქნება მასშტაბური, რადგან დაავადების მკურნალობა და სრული ელიმინაცია სახელმწიფოსთვის პრიორიტეტულია. პროექტი სოციალურად დაუცველი ყველა ფენისთვის იქნება ხელმისაწვდომი.



სამერთაშორისო კონფერენცია

კლინიკური მედიცინის აქტუალური საკითხები განიხილებოდა თბილისის სახელმწიფო სამედიცინო უნივერსიტეტში მოწყობილ სამეცნიერო კონფერენციაზე, რომელიც არასამთავრობო ორგანიზაცია – „Seed of hope“-თან – ერთად ჩატარდა.

კონფერენციაზე განიხილეს მედიცინის და რეაბილიტაციის სფეროებში დაავადებათა ეტიოლოგიის, დიაგნოსტიკის და მკურნალობის თანამედროვე მეთოდები.

კონფერენციის მონაწილეებს მიესალმნენ: თსსუ-ის ვიცე-რექტორი, პროფესორი **რიმა ბურიაშვილი**, კონფერენციის ორგანიზატორი **რებეკა კიმი** და **ჯეიმს ლი**.

კონფერენციაზე პრეზენტაციებით წარდგინეს: დოქტორი **იანგ იუნ ჩი** (ბოსტონის უნივერსიტეტი), დოქტორი **ლილი ს ლიუ** (ჰარვარდის უნივერსიტეტი), დოქტორი **მარგარეტ ვანგი** (ჯორჯთაუნის უნივერსიტეტი), **ჯუდი იანგი** (ტაფტის უნივერსიტეტი), დოქტორი **სტეფანიო ჩო** და დოქტორი **ვალენტინ ლი** (ჰარვარდის უნივერსიტეტი).

სახალწლო საჩუქრებით

თბილისის სახელმწიფო სამედიცინო უნივერსიტეტის სტუდენტური თვითმმართველობის წარმომადგენლებმა წინასაახალწლოდ **თსსუ-ის გივი ჟვანიას აკადემიურ პედაგოგიურ კლინიკაში** ნორჩი პაციენტები მოინახულეს.

სასიხარულოა, რომ მშვენიერი ტრადიცია დღესაც გრძელდება და ნელსაც კლინიკის პაციენტებმა გაიხარეს უფროსი მეგობრებისგან მიღებული საჩუქრებით.



საქართველოს სხვადასხვა რეგიონებში



მ ი გ ი რ უ ზ ე ბ ა

თბილისის სახელმწიფო სამედიცინო უნივერსიტეტის თვალის სნეულებათა დეპარტამენტის ხელმძღვანელს, თვალის კლინიკა „ახალი მზერა“ დირექტორს, საქართველოს სახელმწიფო პრემიის ლაურეატს, ცნობილ ქართველ ოფთალმოლოგს, პროფესორ მირაზ ღვალს, დაბადებიდან 65 წელი შეუსრულდა. თბილისის სახელმწიფო სამედიცინო უნივერსიტეტი, თვალის სნეულებათა დეპარტამენტი ულოცავს დიდად აღზრდილ იუმბილას მსაზრისელებს თარიღს, უსურვებს ჯანმრთელობას, წარმატებებს, ახალ მიღწევებს მღვანელობის იმ საინტერესო სფეროში, რომელსაც იგი ათეულებით თავდადებით ემსახურება. მისი წარმატებული საქმიანობის საუკეთესო შედეგი ხომ მრავალრიცხოვანი პაციენტის სიხარულით აღსავსე თვალებია, რომლითაც ისინი ამ საოცარ სამყაროს უცქერიან. მრავალთა თვალისინის დაძვრულებას ხანგრძლივ ცხოვრებას და ნაყოფიერ მოღვაწეობას ვუსურვებთ!



საქართველოს სხვადასხვა რეგიონებში

მოკავშირეობითი თანამშრომლობისთვის

საპარტნიორო პროგრამის ფარგლებში, თბილისის სახელმწიფო სამედიცინო უნივერსიტეტის თვალის სნეულებათა დეპარტამენტს, „მორენის თვალის ცენტრი“-ს (აშშ) ოფთალმოლოგიის სარეზიდენტო პროგრამის დირექტორი, პროფესორი ჯეფ პეტტი ეწვია, რომელმაც თბილისის სახელმწიფო სამედიცინო უნივერსიტეტის რეზიდენტ-ოფთალმოლოგებისა და უმცროსი ექიმებისთვის „კიტარო“ ვებლაბ-ის ტრენინგი ჩაატარა.

რის დანერგვა-გამოყენების თვალსაზრისით. ამ მიმართებით აქტიური მუშაობა ჯერ კიდევ განვიხილავთ პერიოდში დაგეგმილი, დაგეგმილი სამოქმედო გეგმაც, რათა ჩვენს რეზიდენტებს ინდივიდუალური აპარატურით სარგებლობის საშუალება ჰქონოდათ.

სტანდარტების შესაბამისად გაიარონ. ამჟამად ტრენინგი ჩატარდა თანამედროვე ოფთალმოლოგიური აპარატურით აღჭურვილ „ლაიონსების“ თვალის კლინიკაში, რისთვისაც მსურს დიდი მადლობა გადავუხადო მის ადმინისტრაციას. „მორენის თვალის ცენტრი“-ს ოფთალმოლოგიის სარეზიდენტო პროგრამის დირექტორი, პროფესორი

ხალხს გულწრფელი და სასიამოვნო მასპინძლობისთვის. რაც შეეხება ჩვენ, ვმუშაობთ ამერიკაში, მსოფლიოს წამყვან თვალის ცენტრში; ჩვენში ოფთალმოლოგია ძალიან პრესტიჟული სპეციალობაა. წელს, მაგალითად, რეზიდენტურაში გამოყოფილ სამ ადგილზე, 470 განაცხადი იყო შემოტანილი.

თბილისის სნეულებათა დეპარტამენტის მფლობელობაში იქნება. რეზიდენტი ოფთალმოლოგი შიმი ჩიტაშვილი – ამერიკის მორენის თვალის ცენტრის წარმომადგენელმა, პროფესორმა ჯეფ პეტტის, თსსუ-ის რეზიდენტებს მეტად საჭირო ტრენინგები ჩაგვიტარა. თითქმის ყველა რეზიდენტმა მიიღო მასში მონაწილეობა. შევასრულეთ მანიპულაციები და ამ სისტემის გამოყენებით გავიარეთ იგივე ეტაპები, როგორც მსგავს რეალურ სიტუაციაში ხდება.



რეზიდენტი ოფთალმოლოგი ნინო ჩიტაშვილი – თბილისის სახელმწიფო სამედიცინო უნივერსიტეტის რეზიდენტები კმაყოფილები და მადლობლები ვართ პროფესორ ჯეფ პეტტის და საქველმოქმედო ორგანიზაციისა, რომელმაც გადმოგვცა აპარატურა და საშუალება მოგვცა, ავითვისოთ უახლესი ქირურგიული უნარ-ჩვევები. პროფესორმა პეტტიმ გაგვიზიარა კატარაქტის ქირურგიული ოპერაციის ჩატარების ტექნიკა, რასაც მომავალში აუცილებლად გამოვიყენებთ.

„კიტარო“ ქირურგიის სასწავლო სისტემა თბილისის სახელმწიფო სამედიცინო უნივერსიტეტის თვალის სნეულებათა დეპარტამენტს ამერიკული საქველმოქმედო ორგანიზაციის წარმომადგენლებმა, ედმონდ და პამელა დოშებმა, საჩუქრად გადასცეს. „კიტარო“ ვებლაბი – კატარაქტის ქირურგიის უნიკალური სასწავლო სისტემაა, განკუთვნილი დამწყები თვალის ექიმებისა და რეზიდენტებისთვის ქირურგიული უნარ-ჩვევების გასაღრმავებლად.



უმცროსი ექიმი ანა ვაჩიბაძე – მინდა მადლობა გადავუხადო ყველა იმ პირს, რომელმაც მოგვცა შესაძლებლობა, გავცნობოდი იმ სიახლეებს, რასაც მსოფლიოში ყველა წარმატებული რეზიდენტი იყენებს. ეს არის ნაბიჯი წინსვლისკენ, რომელიც აუცილებლად სასიკეთოდ იმოქმედებს დარგის განვითარებაზე.

„კიტარო“-ს ხელოვნური თვალის სტრუქტურა მაქსიმალურად მისადავებელია ადამიანის ბუნებრივ თვალთან. იგი სახის ნიღბის, ხელოვნური რქოვანას, ხელოვნური სკლერასა და ხელოვნური ბროლისგან შედგება, რომელზედაც შეიძლება ისეთივე მანიპულაციების ჩატარება, როგორც ბუნებრივ თვალზე რეალურ სიტუაციაში.

სტატისტიკური მონაცემებით, წელიწადში საქართველოში კატარაქტის 14 000 ოპერაცია უნდა სრულდებოდეს, მაგრამ კვალიფიციური ქირურგების დეფიციტის გამო, შესაძლებელია მხოლოდ 8-9 000-ის ჩატარება. მსურს საერთაშორისო ორგანიზაციის წარმომადგენლებს – პროფესორ ჯეფ პეტტს და ცოლ-ქმარ დოშებს – მადლობა გადავუხადო აღნიშნული აქციის ორგანიზებისთვის. ისინი თავიანთი ხარჯებით ჩამოვიდნენ საქართველოში ახალგაზრდა ქართველი ექიმებისთვის ცოდნა-გამოცდილების გასაზიარებლად. ჩვენ კი ისევ ვაპირებთ თანამშრომლობის გაგრძელებას უცხოელ კოლეგებთან – გვსურს, ახალგაზრდა თაობამ გაცვლით პროგრამებში მიიღოს მონაწილეობა.

ჯეფ პეტტი – ჩვენი ფონდის საშუალებით, რომლის წარმომადგენლებიც მე და ჩემი მეუღლე ვართ, ვცდილობთ, არაერთი საინტერესო პროექტი განვახორციელოთ. ხშირად ვატარებთ სხვადასხვა სახის ტრენინგს, რომელიც მხედველობის გაუმჯობესების საკითხებს ეხება. შობის წინა პერიოდში კი ჩვენმა ეკლესიამ საქართველოში მოგვინიჭა, ამიტომაც ჩამოვიდეთ ამ პროექტის განსახორციელებლად. მადლობა ქართველ

რეზიდენტ მუშაობა, ვცდილობ მრავალ ექიმებს შევასწავლო ქირურგიისთვის საჭირო უნარ-ჩვევები. მიხარია, რომ ქართველმა რეზიდენტებმა ამერიკულ თანატოლებზე სწრაფად მოახერხეს მიცემული დავალების შესრულება. აღვნიშნავ იმასაც, რომ ჩვენმა ეკლესიამ, ქველმოქმედების სახით, თქვენს რეზიდენტებს გადასცა აპარატურა, რაც ამერიკიდან თბილისის სახელმწიფო სამედიცინო უნივერსიტე-

„ლაიონსების თვალის კლინიკის“ ექიმი ოფთალმოლოგი მიქაელ ნინიაშვილი – მინდა ვთქვა, რომ კეთილი შურით მშურს იმ რეზიდენტებისა, რომლებსაც ამჟამად მიეცათ სიახლეების გაცნობის შესაძლებლობა. უულოცავ მათ და წარმატებებს ვუსურვებთ თავიანთ საქმიანობაში. მიხარია, რომ მომავალ თაობას, თავიანთი უფროსი კოლეგების დახმარებით, აქვთ საშუალება გაეცნონ და დაეუფლონ იმ სიახლეებს, რაც, თუნდაც, ორი წლის წინ, საოცნებო იყო.

საქართველოს სხვადასხვა რეგიონებში

ახალგაზრდა ქართველთა სკოლაში



სამედიცინო უნივერსიტეტის მედიცინის ფაკულტეტის დეკანის მოადგილე, პროფესორი ნინო კარანაძე – თანამედროვე მსოფლიოში, სამედიცინო განათლების მოთხოვნები, ტექნიკური მანიპულაციების სწავლება და დახვეწა აუცილებელია სიმულატორების საშუალებით მოხდეს, რათა შემდგომ ოფთალმოლოგს პაციენტთან მისვლის უფლება მიეცეს. მსგავსი სიმულატორის საჩუქრად გამოცემა და საქართველოს მასშტაბით ოფთალმოლოგიაში პირველი საერთაშორისო ტრენინგის ჩატარება, ნამდვილად საამაყოა. მნიშვნელოვანია, რომ თბილისის სახელმწიფო სამედიცინო უნივერსიტეტის რეზიდენტებს, მომავალ ოფთალმოლოგებს საშუალება მიეცათ ამ მიმართულებით მზადება საერთაშორისო

თბილისის სახელმწიფო სამედიცინო უნივერსიტეტის თვალის სნეულებათა დეპარტამენტის პროფესორი ნინო კარანაძე და „მორენის თვალის ცენტრის“ (აშშ) ოფთალმოლოგიის სარეზიდენტო პროგრამის დირექტორი, პროფესორი ჯეფ პეტტი, ქველმოქმედი ცოლ-ქმარი დოშები დედაქალაქის 202-ე საჯარო სკოლის მხედველობის პრობლემის მქონე მოსწავლეებს ეწვივნენ. გასინჯვაში მონაწილეობდნენ აღნიშნული დეპარტამენტის რეზიდენტები: შიმი

ჩიტაშვილი, ნათია პეროშვილი, ნინო ჩიტაშვილი და ანა ვაჩიბაძე. აღნიშნული სკოლის აღსაზრდელების მიმართ თანადგომას იჩენენ საქართველოს განათლების და მეცნიერების სამინისტრო, უცხოური საქველმოქმედო ორგანიზაციები თუ კერძო პირები. მოსწავლეების თუ კვლეულ ნაწილს, გარდა სიბრძნისა, აღვნიშნავთ შაქრიანი დიაბეტი, პერვაზიული ალბილიზმი, ღრმა და მსუბუქი ფორმის გონებრივი ჩამორჩენა, ჰიდროცეფალია, ცერებრული

დამბლა. სტუმრებმა, ქართველმა ოფთალმოლოგებმა, 45 მოსწავლეს ჩაუტარეს ოფთალმოლოგიური გამოკვლევა და დაინიშნა კიდევ შესაბამისი მკურნალობა.

ბოლოს, სტუმრებმა: პროფესორმა ჯეფ პეტტმა, ედმუნდ და პამელა დოშებმა საჩუქრები გადასცეს სკოლის აღსაზრდელებს.

თბილისის სახელმწიფო სამედიცინო უნივერსიტეტის სტუდენტებთან და კურსდამთავრებულებთან ურთიერთობის სამსახურის მთავარმა სპეციალისტმა, მიხეილ დიაკონიძემ, თსსუ-ის სახელო, სკოლის აღსაზრდელებს საჩუქრად ინვალდის ეტილი გადასცა.

მომზადეს მანანა ფხალაძემ და დარეჟირა კონსტანტინე

სტუდენტური თვითმმართველობა ორი წლის ანბარით



ჩვენი გაზეთის საშუალებით არაერთხელ გვიამბია თსსუ-ის სტუდენტური თვითმმართველობის მიერ განხორციელებული სხვადასხვა პროექტის თუ ღონისძიების შესახებ, რომელშიც აქტიურად არიან ჩართულნი უნივერსიტეტის სტუდენტები.

დეკემბრის ბოლოს სტუდენტური თვითმმართველობა ანგარიშით წარდგა თსსუ-ის რექტორატის, აკ-

ადემიური, ადმინისტრაციული პერსონალის და სტუდენტების წინაშე.

თსსუ-ის სტუდენტური თვითმმართველობის პრეზიდენტმა, **კახა აბულაძემ** სტუდენტების სახელით მადლობა გადაუხადა უნივერსიტეტის ხელმძღვანელობას, პროფესურას და ადმინისტრაციის წარმომადგენლებს, თვითმმართველობის ყოფილ თუ ამჟამინდელ წევრებს და აღნიშნა, რომ სტუ-

დენტური თვითმმართველობის წარმატებული საქმიანობა უნივერსიტეტის ყველა სამსახურის უპირობო თანადგომისა და მხარდაჭერის შედეგია. შესაბამისად, სტუდენტური თვითმმართველობის გადანიშნულებით, ყველას, ვინც წვლილი შეიტანა სტუდენტური ცხოვრების ეფექტიანად და საინტერესოდ წარმართვაში, მადლობის სიგელები გადაეცა.



სტუდენტური ცხოვრების ოცნებები



ოცნებები

გამოჩენილი მეცნიერი და საზოგადო მოღვაწე, ფარმაციის დოქტორი, სახელმწიფო პრემიის ლაურეატი, **დურმიშანი ტურაბულიძე**, 82 წლისაა.

იგი დაიბადა 1933 წლის 5 თებერვალს ქალაქ ქუთაისში. თბილისში რვა კლასის წარ-

ხელმძღვანელობდა ლაქტონური შენაერთების, ხოლო 2006 წლიდან – ლიპიდებისა და ანტრაქინონების ლაბორატორიას. იგი არის ბუნებრივ ნაერთთა კვლევის მაღალკვალიფიციური სპეციალისტი; აქვს ღრმა თეორიული ცოდნა და ექსპერიმენტა-



სახელოვანი 82...

ჩინებით დამთავრების შემდეგ სწავლა განაგრძო ფარმაცევტულ ტექნიკუმში, შემდგომ – პიატიგორსკის ფარმაცევტულ ინსტიტუტში. აქტიურად იყო ჩართული ინსტიტუტის სპორტულ ცხოვრებაში; იყო რუსეთის ჩემპიონი მძლეოსნობაში; შრომითი საქმიანობა დაიწყო ქლუხორში, აფთიაქის გამგის მოადგილედ; შემდეგ მუშაობა გააგრძელა საქართველოს მთავარ სააფთიაქო სამმართველოში.

1962 წლიდან დღემდე ბატონი დურმიშანი მუშაობს თბილისის სახელმწიფო სამედიცინო უნივერსიტეტის ი. ქუთათელაძის სახელობის ფარმაცოქიმიის ინსტიტუტში. ადრეულ წლებში

ტორის ბრწყინვალე თვისებები. მისი კვლევის შედეგები ასახულია 80 პუბლიკაციაში, რომელიც გამოქვეყნებულია ადგილობრივ და საერთაშორისო გამოცემებში. მიღებული აქვს სახელმწიფო პრემია. მის მიერ შემუშავებულია ფსორიაზის სამკურნალო საშუალება – „ფსორანტონი“ და „ფსორანტონ-С“, რომელიც დანერგულია სამედიცინო პრაქტიკაში. მრავალი წლის განმავლობაში იყო სამეცნიერო ხარისხის მიმნიჭებელი საბჭოს წევრი. მისი მდივანი; პარალელურად მუშაობდა საქართველოს ხალხური მედიცინის ასოციაციის სამეცნიერო განყოფილების გამგედ. მისი თანადგომით და ხელმძღ-

ვანელობით აღიზარდა არაერთი ახალგაზრდა სპეციალისტი.

ბატონი დურმიშანი არის სანიმუშო მეოჯახე, მეუღლე, მამა და ბაბუა. გამოირჩევა გულთბილი, მეგობრული და კოლეგიალური დამოკიდებულებით, სარგებლობს პატივისცემითა და სიყვარულით თანამშრომელთა შორის. ღვაწლმოსილი მეცნიერი კვლავინდებურად შემართებით აგრძელებს მრავალმხრივ მოღვაწეობას.

ხანგრძლივ და ნაყოფიერ სიცოცხლეს ვუსურვებთ ბატონ დურმიშანს ქვეყნის სასიკეთოდ.

თსსუ-ის ი. ქუთათელაძის ფარმაცოქიმიის ინსტიტუტი

ოციწევრად სტუდენტური კლინიკური გამოცდა

თსსუ-ის აპოლონ ურუშაძის სახელობის საუნივერსიტეტო სტომატოლოგიურ კლინიკაში, ოდონტოლოგიის დეპარტამენტში, კლინიკურ ენდოდონტიასა და პროპედევტიკაში ობიექტურად სტრუქტურირებული კლინიკური გამოცდა (OSCE) ჩატარდა, რომლის საშუალებითაც შეფასდა სტუდენტთა პრაქტიკული, მსჯელობის და ლოგიკური აზროვნების, კომუნიკაციის, სამედიცინო დოკუმენტაციის წარმოების უნარები. განსხვავებით წინა წლებისგან, გამოცდა თორმეტ საგამოცდო სადგურს მოიცავდა. წლევანდელ გამოცდას აფასებდა ოდონტოლოგიის დეპარტამენტის შვიდივე წევრი და თითხმეტი მონვეული პედაგოგი.

OSCE-ის გამოცდის შედეგებმა კიდევ ერთხელ დაგვანახა, რომ იგი სტუდენტთა ცოდნის შეფასების ყველაზე თანამედროვე და ჭეშმარიტად ობიექტური მეთოდია.



ოჯახის ექიმის პრაქტიკაში

ეძღვნება გამოჩენილი დერმატოლოგის, პროფესორ ზურაბ პანდელიანის ხსოვნას

ბოლო წლებში განსაკუთრებით გაიზარდა ექიმების დანიშნულება შავი აკანტოზის მიმართ. ამაზე მიუთითებს 2008-2014 წლებში მსოფლიო სამედიცინო ჟურნალებში გამოქვეყნებული 364 სტატია (ა. ისაკაძე, გ. კერვალიშვილი, 2015 წლის იანვარი).

სამწუხაროდ, პრაქტიკოს ექიმთა უმრავლესობა ნაკლებად იცნობს შავ აკანტოზებს. ეს, პირველ რიგში, ეხება ოჯახის ექიმებს, რომლებიც პირველად ლეზიონებს ამ გვჯფის პაციენტებს.

რა არის შავი აკანტოზი? ფიცპატრიკის (2009 წ.) განმარტებით, შავი აკანტოზი არის ჰიპერპიგმენტური (ყავისფერი ან შავი), ხავერდისმაგვარი ჰიპერკერატოზი, რომელიც უფრო გვხვდება კანის ბუნებრივი ნაოჭების ადგილებზე, ილიებზე, კისრის, ჭიპის, შორისის, ანო-გენიტალურ მიდამოში და სხვა. არჩევენ კეთილთვისებიან და ავთვისებიან შავ აკანტოზებს.

პრაქტიკაში ვხვდებით თანდაყოლილ და შეძენილ შავ აკანტოზებს (ფიცპატრიკი).

თანდაყოლილ, კეთილთვისებიან შავ აკანტოზებს ვხვდებით ბავშვობის ასაკში და სქესობრივი მომწიფების დროს, როცა ენდოკრინოპათიები გამოხატული არ არის (ქ. ნათელაძე, 2012 წ.; ინტერნეტიდან).

შეძენილ კეთილთვისებიან შავ აკანტოზებს ვხვდებით ინსულინდამოუკიდებელი მეორე ტიპის დიაბეტის, სიმსუქნის, საკვერცხეების პოლიკისტოზის, ანდროგენების სიჭარბის, გიგანტიზმის, აკრომეგალიის, კუმინგის სინდრომის, ჰიპოპარათირეოზის, ჰიპოტირეოზის დროს (ფიცპატრიკი, 2009).

კეთილთვისებიან შავ აკანტოზს ვხვდებით ზოგიერთი მედიკამენტის (ნიკოტინის მუავას დიდი დოზების, გლუკოკორტიკოსტეროიდების, დიეტოსტილბესტროლის და სომატოტროპინების) ხანგრძლივი მიღების დროს.

შავი აკანტოზის ავთვისებიანი ფორმები გვხვდება: კუჭ-ნაწლავის, უროგენიტალური ორგანოების ადენოკარცინომების დროს, იშვიათად - ლიმფომების შემთხვევაში.

ქართულ სამედიცინო ლიტერატურაში, თსსუ-ის ბეჭდვითი ორგანოს - „სამედიცინო გაზეთის“ 2012 წლის მაისის ნომერში პირველად გამოაქვეყნეთ შავი აკანტოზის შემთხვევის აღწერა თანდაყოლილი გენეტიკური დაავადების - აქონდროპლაზიის დროს, რომელიც შეუღლებული აღმოჩნდა იშვიათი ფორმის სიმსუქნესთან (პრადერი-ვილის სინდრომთან, თ-უჯრედულ იმუნოდეფიციტთან და მძიმე შეკრულობასთან).

№1 სურათზე წარმოდგენილია 18 წლის გოგონა ნანიშვით (სიმაღლე 110 სმ.), თავისებური სიმსუქნით, პრადერი-ვილის სინდრომით, მძიმე შეკრულებით და ოლიგოფრენიით. მას გამოხატული ჰქონდა კისრის ლატერალურ ზედაპირზე შავი აკანტოზი (სურათი №2).

შავი აკანტოზი

2005-2013 წლებში ჩვენ ვაკვირდებოდით ადისონის დაავადებით შეპყრობილ ორ ავადმყოფს მალაბსორციის სინდრომით (დიარეით), ფიზიკური და ფსიქიური დაუძღვრებით, შრომისუნარიანობის სრული შეწყვე-

ნეთ ავადმყოფი მეორადი ჰიპოკორტიციზმით (ამენორეით, ჰიპოტირეოზით, არტერიული ჰიპოტენიით, თმისცვენით - თავზე, წარბებზე, ილიებზე, ბოქვენზე და ძილიანობით). ანამნეზში მას 30 წლის წინ

- ავადმყოფს პირველადი ჰიპოკორტიციზმის (ადისონის დაავადების) მსგავსად, ჰქონდა ე. წ. ბრინჯაოსფერი კანი - ჰიპერპიგმენტაციით, ჰიპერკერატოზით, რაც არ ახასიათებს მეორად ჰიპოკორტიციზმს

ბროსკოპიით და ბიოპსატის ჰისტომორფოლოგიური შესწავლით აღმოჩნდა კუჭის ადენოკარცინომა (თ. დეკანოსიძე, ი. თავზარაშვილი, ხ. პაჭკორია, ლ. ძნელაძე, 1986 წელი). ავადმყოფი გასინჯა პროფესორმა თ. ასმეტელმა და საჭიროდ ჩათვალა ოპერაციის (გასტრექტომის) გაკეთება, რაზეც ავადმყოფი და მისი ახლობლები არ დათანხმდნენ. რამდენიმე თვეში ავადმყოფი გარდაიცვალა.

ჰოსპიტალური ქირურგიის კლინიკაში პროფესორებს: გ. ბოჭორიშვილს, თ. ასმეტელს, გ. გვასალიას და ლ. ძნელაძეს (1976-1989) წლებში გამოვლენილი ჰყავდათ ინოპერაბელური და ინკურაბელური პაციენტები კუჭის ადენოკარცინომით - შავი უხეში ჰიპერკერატოზებით (სავარაუდოდ, შავი აკანტოზით).

თსსუ-ის ცენტრალური კლინიკის თერაპიულ სტაციონარში 2008 წელს იწვა ავადმყოფი კანის დიფუზური ჰიპერპიგმენტაციით, გაუხეშებული, ხავერდისმაგვარი ჰიპერკერატოზით, რაც კარგად ჩანს №7 და №8 სურათებზე - ზურგზე და მუცლის წინა ზედაპირზე (მკურნალი ექიმი ც. კონცელიძე). დაიგნოზი დიდახსნა გაურკვეველი იყო, საბოლოოდ კი ეჭვი მიტანილი იქნა შავ აკანტოზზე (ხ. პაჭკორია), რაც დადასტურდა დერმატო-ვენეროლოგმა, პროფ. ზ. ბენდელიანმა. შემდეგში ავადმყოფს აღმოაჩნდა ავთვისებიანი სიმსივნე - მარცხენა საკვერცხის ადენოკარცინომა.



2008 წელს თსსუ-ის ცენტრალურ კლინიკის ამბულატორიას მიმართა ავადმყოფმა, რომელსაც, კუჭის წყლულთან ერთად, აღმოაჩნდა შავი აკანტოზი, რაც კარგად ჩანს სურათზე №9 კისრის ლატერალურ ზედაპირზე (ხავერდისმაგვარი, მუქი ყავისფერი ჰიპერკერატოზი). კუჭის ლორწოვანის ჰისტომორფოლოგიური გამოკვლევით აღმოჩნდა ლიმფომა. ავადმყოფმა მაშინ ოპერაციაზე უარი განაცხადა. სავარაუდოდ, მისი შემდგომი ბედი უცნობია.

ამრიგად, ჩვენ მიერ გამოვლენილია შავი აკანტოზის კეთილთვისებიანი და ავთვისებიანი ფორმები. ზოგიერთი მათგანი პირველად აღწერილი (შიპენის სინდრომის და სკლეროდერმიის სისტემური სკლეროზი) დროს.

გეფიქრობთ, რომ ჩვენი სტატია დაეხმარება ოჯახის ექიმებს ეჭვი მიიტანონ შავი აკანტოზის დიაგნოზზე და დერმატოლოგებთან, ონკოლოგებთან ერთად დადასტურონ ეს მძიმე დაავადება. განსაკუთრებით იდენი მნიშვნელობა ენიჭება შავი აკანტოზის ავთვისებიანი ფორმების დროულ გამოვლენას, რაც საშუალებას იძლევა ნაადრევი ოპერაციით გადაარჩეს ავადმყოფი.

იხედა, ჩვენი სტატია დაინტერესებს თსსუ-ის სტუდენტებს - მომავალ ექიმებსაც.

ხ. პაჭკორია, ა. ისაკაძე, მ. თიქვაძე, ე. კალაძე, ლ. ძნელაძე, გ. კერვალიშვილი.




(შიპენის სინდრომს) (სურათი 4). ჩვენ (ხ. პაჭკორია, ო. გოგიბერი) გამოვლენილი გვაქვს შიპენის სინდრომის მშობიარობის შემდგომი პოსტმენორაგიული ჰიპოპიტუტარიზმის 12 შემთხვევა. აქედან მხოლოდ ერთს ჰქონდა ჰიპერპიგმენტური კანი, ხოლო დანარჩენს - მკრთალი. მსოფლიო სამედიცინო ლიტერატურაში ჩვენ არ შეგვხვდებოდა შიპენის სინდრომის შემთხვევა ჰიპერპიგმენტური კანით (შავი აკანტოზით); (ა. ისაკაძე, ქ. ნათელაძე, გ. კერვალიშვილი, ინტერნეტიდან, 2015 წ. იანვარი).

ჩვენ (ხ. პაჭკორია, ე. ადამია) შეგვხვდა ავადმყოფი ქალი სკლეროდერმიის (სისტემური სკლეროზის) დიაგნოზით. მას დამატებით ჰქონდა შავი აკანტოზი, რაც კარგად ჩანს №5 სურათზე. №6 სურათზე კარგად ჩანს კისრის ლატერალურ მიდამოში ხავერდისმაგვარი ჰიპერკერატოზი. დასასრულ შევხებით შავი აკანტოზის ავთვისებიან ფორმებს. №6 სურათზე კარგად ჩანს 73 წლის პაციენტი შავი აკანტოზით, რომელსაც გასტროდუოდენოფი-

ტი, არტერიული ჰიპოტიონით და შავი აკანტოზით (ერთ შემთხვევაში ავადმყოფს კანის ჰიპერპიგმენტაციის ფონზე გამოხატული ჰქონდა დეპიგმენტური უბნები (ვიტილიგო). სისხლში რეინის კონცენტრაცია აღმოჩნდა ნორმის ფარგლებში, ხოლო კორტიზოლის დონე - მნიშვნელოვნად დაქვეითებული (სურ.3). ორივე ავადმყოფს ჩაუტარდა ინტენსიური მკურნალობა კორტიზონით, ანტიდარეული პრეპარატებით, ამინომჟავების, ელექტროლიტების ხსნარებით, დამაკმაყოფილებელი შედეგით. ამჟამად ორივე ავადმყოფს აქვს ხანგრძლივი რემისია, მომატებულია სისხლის არტერიული წნევა და, რაც მთავარია, მათ შეუწყდათ დიარეა, აღუდგათ შრომისუნარიანობა და სხვა. აღსანიშნავია, რომ ჰიპერპიგმენტური უხეში ხავერდისმაგვარი მუქი კანი დარბილდა, უფრო გაღიადა და სხვა.

ჩვენ (ხ. პაჭკორია, ო. გოგიბერიძე, ქ. ნათელაძე, 1983 წ.) გამოვალღი-

სინტეზური ფაქტები



ატომი სტრუქტურით სხვა არაფერია, თუ არა 99,9999999%-იანი სრული სიცარილე. თუ ამ სიცარიელეს ბოლომდე მოვაშორებთ, მაშინ მთელი კაცობრიობა შაქრის ერთ პატარა ნატეხში მოთავსდება.



სინაფსები VS. ვარსკვლავები 3:1

მთელი ჩემი ბავშვობა ცას ვუყურებდი და ვარსკვლავებს ვითვლიდი, ძალიან მაინტერესებდა, მართლა რამდენი იყო... უნივერსიტეტში კიდევ უფრო მეტად დავინტერესდი, ვარსკვლავები უფრო მეტი იქნებოდა ჩვენს გალაქტიკაში თუ სინაფსები თავის ტვინში?

აღმოჩნდა, რომ ყველაზე დიდი საოცრება ისევე ჩვენივეა - სინაფსების რაოდენობა (125 ტრილიონი) გაცილებით მეტია, ვიდრე „ირმის ნახტომში“ („იერუსალიმის გზა“) ვარსკვლავების რიცხვი (400 მილიარდი). სხვაობა სამჯერადია! ყველაზე დიდ გალაქტიკაშიც კი

(IC 1101) 100 ტრილიონ ვარსკვლავზე მეტი არაა, ტვინი ამასაც უკან ჩამოიტოვებს!



სტომატოპოდები

წყალობით, სპეციფიური ნაწიკამერები იქმნება სიმსივნეების ადრეულ სტადიაში გამოსავლენად.

გსმენიათ პირფეხიანებზე? პირფეხიანებს, ანუ სტომატოპოდებს, ადამიანის ორგანიზმში არსებული სხვადასხვა სიმსივნის დანახვა და ჯანსაღი ქსოვილისგან მათი გარჩევა შეუძლიათ! ასეთი ხარისხის ვიზუალიზაცია კტ-ს ან მრტ-საც კი არ აქვს! მათი წყალობით, სპეციფიური ნაწიკამერები იქმნება სიმსივნეების ადრეულ სტადიაში გამოსავლენად.



ემბრიოლოგიაც კი ქალბატონებისკენაა! ყველა ემბრიონი დასაწყისში მთელი ერთი თვე მდებარეობს სქესისა, მხოლოდ მე-4 ან მე-5 კვირაზე იწყებს Y ქრომოსომა აქტივაციას და, როგორც იქნა... ემბრიონის მამრობით სქესად ჩამოყალიბება!



ყველამ იცის, რომ ხანგრძლივი ბანაობის შემდეგ თითები ნაოჭდება. არ იფიქროთ, რომ ეს დაკავშირებულია წყლის ან წყლით აბსორბციასთან, უჯრედების გამოშრობასთან ან შეშუპებასთან! არა, ის ნაოჭდება იმიტომ, რომ ნერვული სისტემა ცდილობს წყალში ყოფნისას გაზარდოს თითების შემხები ზედაპირი (საუკეთესო ჩაჭიდებისთვის). ეს ევოლუციის მინიატურული გამოვლენებაა! მაგალითად, ადამიანებს, რომლებსაც საშუალო იდაყვის ან სხივის ნერვის დამბლა აქვთ, თუნდაც მთელი თვე იყვნენ წყალში, კანი არ დაუნაოჭდებათ!

მომავალ მედიცინის ფაკულტეტის სტუდენტმა ბიორბი ლოლუპარიაძემ

ბევრმა არ იცის, რომ ქართულში ყველაზე გრძელი სიტყვაა სამედიცინო ტერმინი ელექტროენცეფალოგრაფია, მასზე კიდევ უფრო გრძელია პნევმონოულტრამიკროსკოპოსილიკოვოლკანონკონიოსიზმი, უფრო მარტივად, - ფლტვების დაავადება - სილიკოზი.



ქობის შემოქმედებელი

ბ ი მ რ ბ ი



შუალამე გადასული იყო, როდესაც გიორგი კარვიდან გამოვიდა. გაზაფხული იყო და ღამით საკმაოდ ციოდა. ფართო მხრებზე მოგდებული მოსასხამი მჭიდროდ შემოიხვია და ბანაკს გადახედა.

ბანაკს მშვიდად ეძინა, შუბებზე დაყრდნობილ გუშაგებსაც უჭირდათ ძილისთვის თავის გართმევა.

გიორგიმ ცას შეხედა - ცა ვარსკვლავებით იყო მოჭედელი; როგორც ჩანს, მზიანი დღე გათენდებოდა. კარავთან ახლოს, კუნძზე ჩამოვდა, რომელიც სკამის მოვალეობასაც ასრულებდა. თავში ათასი ფიქრი უტრიალებდა. ასეთ დროს ადამიანს მთელი ცხოვრება წარმოუდგება ხოლმე თვალწინ.

ბავშვობა გაახსენდა, ფელში გატარებული ბედნიერი დღეები, შემდეგ მეფეთა სამსახური, სიმონ დიდთან და გიორგი მეათესთან გადახდილი ბრძოლები და, ბოლოს, - ტაშისკარი. ტაშისკარის გახსენებაზე სახიდან ღიმილი ჩამოერეცხა, უსიამოვნო მოგონებები წამოემალა: რატომ ხდება ასე, ადამიანები, რომელთა გულისთვის თავი არ დაგიზოგავს, სიცოცხლეც არაერთხელ შეგიგდია სასწორზე, მოულოდნელად გაგწირავენ, ყველა გაკეთებულ სიკეთეს დაივიწყებენ და დედაბუდიანად ამოწყვეტას დაგიპირებენ?

- კარგი რა, ისე ნუნუნებ, თითქოს შენ თვითონ მამა აბრამის ბატყანი იყო.

გიორგი გველნაკბენივით წამოხტა, მიმოიხედა, ირგვლივ არავინ ჩანდა, მერე ჩამოვდა და ზიზღარევი ხმით ჩაილაპარაკა:

- ისევ შენ ხარ?
- ხო, მე ვარ.
- რატომ თავს არ დამანებებ?
- არ მიპასუხო და დაგანებებ.

- რაზე არ გიპასუხო, ცილისწამებაზე? ერთი რამე მაინცა თქვი მართალი.

- ზოგს სიმართლე ისა ჰგონია, რისი მოსმენაც სიამოვნებს. შენც იმნარი ხარ.

- რა არ არის მართალი? ცოტა ვემსახურე სიმონსა თუ გიორგის, ან იქნებ ლუარსაბისთვის არ გადამიღვია თავი, ან იქნებ ჩემს მამა-პაპას დაუკლია ერთგულება ბაგრა-

ტიონთათვის?

- კი, ემსახურე, მაგრამ არცთუ უანგაროდ. სიმდიდრე და ქონება არ დაგკლებია, ყმა და მამული, სახელი და დიდება. უბრალო აზნაურები უმდიდრეს თავადებად იქცეით, მაგრამ შენი გული ვერ აივსო და სულ უფრო და უფრო მეტი გინდოდა.

- განა გავლენასა და სიმდიდრეს ისევ მეფესა და ქვეყანას არ ვახმარდი?

- განსაკუთრებით ლუარსაბს მოახმარე, - ჩაიქირქილა ხმამ.

- არც ლუარსაბს დავაკელი ერთგულება, - აფეთქდა გიორგი, - ჩაიგდებდნენ ხელში ოსმალები, ტაბახმელამი, უდარდელად ტახტზე წამოწო-

თბილისის სახელმწიფო სამედიცინო უნივერსიტეტის ფსიქიატრიისა და ნარკოლოგიის დეპარტამენტის ხელმძღვანელს, სრულ პროფესორ თამაზ შარვაშიძეს.

განსხვავებული ხედვით წარვუდგენთ მკითხველს, როგორც - მწერალს, პუბლიცისტს. მისი პირველი კრებული - „მოგზაურობა წარსულში“, კარგადაა ცნობილი ექიმებისთვის და არა მარტო მათთვის...

ავტორი დაინტერესებულია საქართველოს წარსულით და გასულ საუკუნეებში მოღვაწე ცნობილი ისტორიული პირების ცხოვრებისა და მოღვაწეობის დეტალებით.

ლილს და სამარცხვინო ტყვეობა არ ასცდებოდა. ჰოდა, იმის მაგიერ, რომ ბორკილდადებული ჩაეყვანათ ისტამბულს, ბრწყინვალე გამარჯვება მოვაპოვებინე ტაშისკართან.

- მისი სიძეობა გინდოდა და იმიტომ.

- მასე ყველაფერს შეიძლება მიზეზი მოუგონო. აბა, ის იყო კარგი, უცოლშვილოდ რომ გადაეგო და ქვეყანას მემკვიდრე არ დაუტოვა?

- ჰოდა, მოვადექით მთავარს, მემკვიდრეს.

- რას?
- იმას, ლუარსაბი სახლში რომ მიიწვიე, აქეიფე და შენი და ჩაუნვიე ლოგინში.

გიორგი დაფიქრდა, ნეტავ, დაფხმძიმებულიყო ლელა და, არა მარტო დაფხმძიმებულიყო, ვაჟიც გაეჩინა. მერე... მერე ლუარსაბს ცოლადაც რომ არ შეერთო, მაინც არაფერი დაშავდებოდა. დისშვილს გიორგი გაზრდიდა და ვინ იქნებოდა ქართლის ტახტის კანონიერი მემკვიდრე, მაგასაც ვნახავდით.

- მერე, არ სჯობდა ლუარსაბის შვილი ყოფილიყო მეფედ? აბა, ის არის კარგი, გონებაჩლუნგი სიმონი რომ მეფობს და თავს სიმონ მეორეს უწოდებს? თუმცა, რა სიმონ მეორე და მეფობა - ქართლის

გამგებელი სიმონ ხანი, რომლის ძალაუფლება ბოლნისს არა სცილდება, - ზიზღი ვერ დამალა გიორგიმ.

- სწორედ მაგისი შეეშინდათ თავადებს, მეფის მემკვიდრის გამზრდელი, ათაბაგი. მოკლავდი საცოდავ ლუარსაბს და, ფაქტიურად, ქართლის გამგებელი შენ იქნებოდი.

- ლუარსაბს არაფერს ვერჩოდი, მემკვიდრის გაზრდასა და ათაბაგობაში კი რა არის საძრახისი?

- ჰმ, გამომივიდა ბექა მანდატურთუხუცესი.

- ბექა ჯაყელს ტაშისკარი არ მოუგია, ისე, ჩემი გაზრდილი დისშვილი რატომ არ შეიძლება ბექას შვილიშვილის



ამის შესახებ ავტორი პირველი კრებულის შესავალში საინტერესო მისახბებას გვთავაზობს: „მეთოდი, რომელსაც პირთბითად პირთენების რეკონსტრუქციის მეთოდი შეიძლება ვუწოდოთ, რთულია და მითითებს სპეციალურ ცოდნას, როგორც ფსიქოლოგია-ფსიქიატრიაში, ისე ისტორიასა და ლიტერ-

მსგავსი ყოფილიყო?

- მაგრამ ბექას დემეტრეს სიკვდილში წილი არ უდევს.

- ღმერთია მონამე, არც მე მიდევს წილი ლუარსაბის სიკვდილში, ეს მან გამომიმეტა, როდესაც მძინარე სტუმარს მკვლელები მომიგზავნა. თანაც, სწორედ მე მკითხავდა შაჰ-აბასი მეფის სიკვდილ-სიცოცხლის ამბავს.

- კახეთის ამბებზე რას იტყვი? არ მითხრა, იქაც უცოდველი ვარო.

- და რაში მიმიძღვის ცოდვა? - რაში და იმავი, რომ აბასს ურჩევდი, ზამთარში მოეწყო ლაშქრობა, „სიცივეში ხალხი ვერ გაიხიზნება“-ო, - გახსოვს?

- კი მაგრამ, სიცხეს მიჩვეული ერანელები სიცივეში როგორ იბრძოლებდნენ? დახვედროდნენ აბასს მომზადებულები და თავი დაეცვათ, ვინ უშლიდათ?

- იბრძოლებდნენ კიდეც, მაგრამ მეთაური არ ჰყავდათ.

- ჰოო, საჭირო ყოფილა თურმე კარგი მეთაური.

- კარგი მეთაურის საჭიროებაზე არავინ დაობს, მაგრამ ქართველის სისხლის დაღვრა არავის ეპატიება.

- არც დამიღვრია, ყოველ შემთხვევაში, დღემდე; თუმცა, სასიკვდილე ბევრი შემხვედრია.

- ვითომ?

- რა ვითომ, თითქოს არ იცი, როდესაც მეფის მოგზავნილ მკვლელებს გავუქეცი, პირდაპირ ნოსტეში წავედი, რათა ცოლ-შვილი და რამდენიმე ერთგული კაცი სიმამრთან, ანანურში, გამეხიზნა. მტკვარზე, ხიდზე, გუმბაგები დამხვდნენ. იქაურობას იკვებდნენ ტრაბახით და იმაზე დაობდნენ, თუ რომელს მოვეკალი ან შევეპყარი. რა, არ შემეძლო დამეხოცა ისინი და გზა გამეგრძელებინა? ნუგზარი მისაქციელთან მელოდა და, თუ საჭირო გახდებოდა, მომეშვევებოდა კიდეც, მაგრამ ადიდებული მდინარის გადაცურვა გადავწყვიტე ქალიან-ბავშვიანად, რომ მათ

აჭურვამი. ამავე დღოს, ძალზე საინტერესოა თუნდაც იმიტომ, რომ ასე შეიძლება ამა თუ იმ ისტორიული პირის ცხოვრებისა და მოღვაწეობის იმ პერიოდების შევსება, რომლის შესახებ ცნობები დღემდე შემონახული არაა. ეს ნაწარმოებები ამ გზითაა შექმნილი; მის მხატვრულ ღირებულებებზე მკითხველი იმსჯელებს.“ - წერს ავტორი.

გთავაზობთ, ბატონი თეიმურაზ სილაგაძის ახალ ისტორიულ მითხრობას „გიორგი“, წიგნიდან - „ფსიქიატრია მწერლის თვალთ (თუ პირიქით)“, მიძღვნილს გიორგი საკაძისადმი.

ცოდვაში არ ჩავმდგარიყავი. არც აჯანყება მიცდია, თუმცა, საამისო ძალა გამაჩნდა. პირიქით, არაფერი ამგვარი არ გამიკეთებია, ისე გადავიხვეწე ირანს.

- გადახვეწილი გერქვა, თუმცა, მშვენივრად ცხოვრობდი. რჯულიც ადვილად გამოიცვალე.

- კი, რაც მართალია, მართალია, რჯული შევიცვალე, მაგრამ განა სარკინოზებთან ტყვედ ჩავარდნილი ჯვაროსნები არ იცვლიდნენ სარწმუნოებას? მერე ინანიებდნენ და შენდობასაც იღებდნენ; მე რაღა დავაშავე, რატომ ვარ გამონაკლისი?

- კარგი ცხოვრება?

- არ ვიცი, სხვის კარზე, თუნდაც, შაჰის კარზე, ცხოვრება კარგია თუ არა, როდესაც უბრალო კარისკაცებიც კი დამცინავდნენ გიყურებენ. სხვისი არ ვიცი და, ვინ მოთვლის, ნოსტე და თეძამის ხეობა რამდენჯერ დამსიზმრებია ირანში. ერთხანს მოვახერხე საქართველოში ჩამოსვლა, ამ სულელ სიმონ-ხანის მრჩევლად, მაგრამ მალევე გამიწვიეს უკან.

- ეს ყველაფერი კარგი და შაჰს მაინც რატომ ღალატობ? გამოქცეული შეგიფარა, დაგაპურა, სახლ-კარი გიბოძა, ჯა-

მაგირი დაგინიშნა; შენ კი რითი უხდი სამაგიეროს?

- ყანდაარი? ერაყი? - განა ცოტა გამარჯვება მოვეუტანე შაჰს? მაგრამ რა, ჩემს გამარჯვებებს სხვებს მიაწერდა და წყალობასაც არ აკლებდა, მარტო უნდილაიძეები რად ღირან.

- უნდილაიძეების დიდება არ გასვენებს.

- ხო, და არა მარტო მათი, - ყრუდ ჩაილაპარაკა გიორგიმ - ამპარტავანი ხარ.

- შეიძლება, მე უფრო სიამაყეს დავარქმედი.

- მეფობა გინდა? - პირდაპირ ჰკითხა ხმამ, - შეძლებდი?

- შევძლებდი? რას? ამ მეფეების შემხედვარეს გული ბოლმით მევსება. რომელი ერთი გითხრა? ავგიორგი? კონსტანტინე? რაც ალექსანდრე მეორემ საფურცლებში ჩაიწინა, იმას რომელი გლეხი იკადრებდა?

- შაჰის შიკრიკი რომ არ ჩაგეგლო ხელში, რაც განზრახული გაქვს, გააკეთებდი? - საუბრის თემა შეცვალა ხმამ.

- შაჰის შიკრიკის ხელში ჩაგდებასაც ვაჟაკობა უნდა. კარგა ხანია, ათვალწუნებული ვყავდი აბასს, განა ვერ ვხვდებოდი? იმ ნერილშიც, ყარჩიხანს რომ სწერდა, შავით თეთრზე ეწერა: „გიორგის თავი მოსჭერი და გამომიგზავნე“-ო. ახლა, ღმერთის შენევენით, ყველა ვალს გადავიხდი.

- რომელი ღმერთის? - დამცინავდ იკითხა ხმამ.

- ღმერთის, - მკაცრად მოჭრა გიორგიმ.

- რომელ ვალს?

- პირად ვალსაც და ვალს ქვეყნის წინაშე.

- ისე, ამ ვალების გადახდა მძიმე იქნება.

- ძალიან მძიმე, - ყრუდ თქვა გიორგიმ, - ამაზე მაინც არ ამოილო ხმა.

- მაგას როგორ ვიკადრებ, განა არ ვიცი, რომ ასეთი მსხვერპლის გაღება მხოლოდ რჩეულთა ხვედრია?

გიორგის გული შეეკუმშა, ველარ ამოისუნთქა, თვალები დახუჭა. უეცრად პაატა დანიხანა - მშვიდი, გაღიმებული. მივიდა და მამას გადაეხვია. საოცარი სითბო იგრძნო გიორგიმ, სითბო, რომელიც სულს უთბობდა და ძალუმ სხეულს ძველებური ძალითა და ენერგიით უვსებდა

- მაპატიე, შვილო, - ამოიხრიალა გიორგიმ.

- მსხვერპლს მაშინ აქვს ფასი, თუ იგი დიდ გამარჯვებას მოიტანს, - გიორგი ვერ გაერკვა, თუ ვინა თქვა ეს სიტყვები, პაატამ თუ ხმამ.

- ღმერთი გვარავდეს, გიორგი, - უთხრა ხმამ.

გიორგი ერთხანს კიდე იჯდა კუნძზე. ირგვლივ სიჩუმე იდგა. შემდეგ წამოდგა და ბანაკს გადახედა. მარტყოფის ცას მტრედისფერი შეჰპარვოდა. 1625 წლის ხარების დილა თენდებოდა.


სტყუარების შემოქმედებით
გაბთობდი თითრად...



თოვს...
ლამპიონის შეუზე თოვს და
შენი სარკმლის წინ...
თოვს თეთრად...
გარეთ ვარ, ვსუნთქვ მსუბ-
უქად - ჩემი გრძობა და სული
გათოვდა თეთრად...
ფანჯარაში არც გამოგიხედავს,
ისე ჩამომიფარე ფარდა წინ
და აჭრელულ მონიკოს მიუ-
ვქი, „მეგობარ“ ქალთა სხეულის
ფორმებით აჭრელულს...

ვიცი, ვიცი, რომ მოგწონს
შიშველი დალაშქრული მთები,
შოკოლადები... ვიცი...
გარეთ გაიხედე, თოვს...
ფარდიდან ატანს სინათლე...
შენ ტახტზე წამოწოლილი უს-
მენ ტელევიზორს და მობილური
ერთობი...
ჭიქა ყავა, აჭრელული მონი-
კორი, პოლიტიკოსების უწმანური
სიტყვები... გაზის ნამწვით გამო-
ბარი ოთახი, სმა კომპიუტერიდან,
მეტყობინება Facebook-დან...
ფარდა გადაწიე, თოვს...
მანქანა დაქოქე და ნახვედი...
არაყი, მუსიკა, გოგონები, ჭიქა
ყავა და კვლავ გაზის ნამწვი...
გარეთ გაიხედე, თოვს...
ვებთეტი შენი მანქანის
მინას, შენ სანმენდით მამცერვე...
მიმავალ რობოტს უცქერ...
გარეთ გაიხედე, თოვს...
გავთოვდი თეთრად, არა სისხ-

მეფინის ფაკულტეტის სტუდენტს. ნათია მალაზონიას, რო-
გორც შემოქმედებითი ნიჭით გამოირჩეულს. უკვე იწინავე ჩვენი
გაზეთის მკითხველი. აჭრელად მან რამდენიმე ჩანახატი მოგვა-
წოდა. რომელშიც კარგად იკითხება მისი მგრძობიარე ზუსება.
მძაფრი განწყობა თუ გულწრფელი ემოციები. მისი მსატკრული
ავტარგიაზონის განსჯა კი კიდევ ერთხელ მიგვიჩინდა მკითხველისთ-
ვის. რომელიც, გვჯერა, მკარგი არ იქნება ახალბედა შემოქმედის
შეფასებისას.



ლისფრად, არა - იასამინფრად,
არც ადამისფრად, არამედ თეთ-
რად...
გარეთ გაიხედე...
ვდგავარ ცარიელ ქუჩაში, ლამ-
პიონების მუქზე, მაგრამ ჩემთვის
ერთი შეუქა მხოლოდ...
ფარდის უკან მოძრაობს სილუ-
ეტი...
მსხვილ ფიფქებად ვცეკვავ...
შენთვის გავთოვდი... შენთვის
გავამიშველ სული და გრძობა...
მინდოდა მეთქვა...
წყლიან თვალმბსა და სარკ-
მელში მხუეკავ სინათლეს შორის
თოვს თეთრად...
ფარდა გადაწიე...
თოვს...

ფიხვიტრა
ფიხვიტრის პარტი



და აი ...
თოვლის მერე დადგა შემოდ-
გომა.
ჩემი ყვითელი ფოთლები...
ოქროსფერი, ტკბილი შემოდ-
გომა-თქო, ვამბობდი დღემდე.
დღეს ჩვენ მეორედ შევხ-
ვდით...
მეგონა გზა სხვაგან მიდიოდა
და კარგის ძიებაში გზაზე შენ
დამხვდი.
შენ
მე
მეორედ ამაზუნტე.
... ლაბირინთებით დაქაქულ
ხეებში მიმავალ გზაზე ჩემი სი-
ლუეტი ამჯერად ფოთლებით შე-
ჭქმენი.
შენ მე მითხარი:
მე შენში გამოიწვევ ისეთ
სიყვარულს, რომ შენი ნაწერი
ტკივილით კი არა, ბედნიერებით
გაჯერდეს.
შენ ფერფლავ მას, რაც იყო

წინათ.
აი... შენ ჩემს რეალობას ოც-
ნების ფერებით ქმნი.
შენ მე მეცეკვები და ყოველი
რეალური ცეკვა ჰგავს ოცნების
ფერს.
განა წარმოვიდგენდი? ...
ნაზად ამიფრთხილდი სიოდ;
მე
შენი სუნთქვა
კისერზე ვიგრძენი.
მე შენ გამოგყევი ბრმად.
მე ხომ დაგპირდი; მე გზა არ
მიკითხავს და აი, სად აღმოვჩნდი;
სადაც შემოდგომას ხეებზე
გულისფერი ფოთლები ჰკიდი...
შენ ამ ფერით მოქარგე ჩემი სახე
ჰაერში.
ჰო, ჰო
ჰაერში.
ჰაერში, რადგან მომდევნო
შეხვედრისას თავიდან დამხატო;
რომ კიდევ თავიდან დავიბადო;
რომ მომდევნო ცეკვას ჰქონდეს
პირველის მსგავსი სიტკბობა;
რომ ყველაფერი გაკეთე-
ბული განმეორებისას აღმოჩნდეს
პირველი.
შენ გამაცოცხლე იმად, რაც მი-
ყვარს.
ჩვენ...
დღეს მეორედ შეხვდით
შემოდგომის პარტი.

გამოღვიძება

მე ალბათ არასდროს
დავთანხმდებოდი, რომ ჩემს
ფურცლებზე მოხაზული ასოები,
რომლებიც ჩემს გზას განაპირო-
ბებდა, ჩემი ხელით შექმნილი არ
ყოფილიყო...
შუა თოვში შენ ქარიშხლად
გამომეცხადე და ჩემი ხელით
შექმნილი, სევდიანი ფიფქებით
მოხაზული ჩემი სილუეტი ამაზუნტე.
მომამორე გაქვავებული სახლის
ფარდაჩამოფარებულ ფანჯრებს,
სადაც თეთრი ფიფქები მხოლოდ
და მხოლოდ წყლად მელვრებოდა
და მეკარგებოდა...
შენ მე ქარიშხლად გამო-
მეცხადე და ამაზუნტე; შენმა ქა-
რიშხალმა წამიყვანა მხარეს, სა-
დაც მე ჩემი ნებით არ წავიდოდი,



- შენმა ქარიშხალმა შეცვალა ჩემი
ნება.
შენმა ქარიშხალმა დახშული
სივრცეები ცრემლებით ამომი-
ყვანა, - ვით ახალბობილი.
მე დავიბადე შენი ქარიშხ-
ლით.
სად ხარ, რა იმალება ქარიშხ-

ლის უკან. შენ მე დამბადე და გზა
შეცვალე...
მე ალბათ არასდროს დავთანხ-
მდებოდი ვინმეს ვეტარებინე გბე-
ბზე, რომელიც ჩემი მოხაზული არ
იყო. მაგრამ... შენ ამაზუნტე და
ჩემი სილუეტი თავიდან დახატე.
შენ მე წამიყვანე...
შენ ჩემი გათოვება პირველ
გაზაფხულად აქციე.
უცნაურია, მე ისიც კი არ ვიცი,
ვინ ხარ, რატომ ვნერ შენზე... ან
მაქვს უფლება დავწერო? მაგრამ...
მაგრამ პირველად, მე გზას არ
ვკითხულობ. მოგყვები.
მოგყვები. ქარიშხლისა და
ფიფქების პირველი ცეკვის მერე.
ველი შემდგომ უეცარ აზუნტე-
ბას შენი ქარიშხლით.

ბენეცია



უფრო გითრევს, მით გსიამოვნებს.
იცი, ვერასდროს დააღწევ თავს ამ
მორევს.
ხშირად მაშინ ხდება ოცნე-
ბები, როცა ნაკლებად ამხვილებ
ყურადღებას მასზე, როცა თითქოს
სულ გადაგვიწყდა. ისინი არას-
დროს გივიწყებენ. ასე მოხდა
შენს შემთხვევაში. გვიან ღამით
ბრუნდებოდი სახლში, სველ
ქუჩებში მიაზივებდი და თან სიგა-
რეს აბოლებდი; ერთ-ერთ შესახ-
ვევს მიაშურე, საიდანაც რიტმული,
ჰარმონიული მუსიკა მოგესმა.
გული უცნაურად აგიტვრდა. ხმას
თვალთ დაუნყე ძებნა. შენ ის
დაინახე: მჭიდროდ მომდგარ კა-
ბაზე ჰიჯაკი ეცვა, „მლიაპა“ ეხურა
სახეზე ბადით და გრძელი ფეხე-
ბით ნაზად მიკაკუნობდა.
აი, საიდან მოდიოდა ეს საო-
ცარი მუსიკა. ნაწვიმარ ქუჩაში,
თითოეულ ფილაქანზე გადადგ-
მული მისი მოკლე ნაბიჯი ახალ-
ახალ განსხვავებულ და რაღაც ღვ-
თიურ ჰანგებს გამოსცემდა. ბრო-
ლივით თითები ახლავ თითქოს
ჰიანინოს კლავიშებზე დასრი-
ალებდნენ. შენი გული „ჰკუიდან
იშლებოდა“, მაგრამ მისი სიცივე
არ გიშვებდა ახლოს. ღრმად
ისუნთქავდი მის ჰაერს და მის
არხში გონდოლივით მიცურავდი.
ლამპიონების მუქზე ცდილობდი
გაგერჩია ეს თვალწარმტყვი შენო-
ბები და შეუსვლელად ცდილობდი

გაგერკვია თუ რა ხდებოდა შიგ-
ნით. უსმენდი კლასიკურ მუსი-
კას, სიჩუმის ქართი მონაბერს,
თითოეული მოძრაობა ცეკვავდა,
ათასფერად იშლებოდა და უკრავ-
და საოცარ, გულისგამყინავ და,
ამავდროულად, თბილ მუსიკას.
გიკვირდა, თუ როგორ შეიძლება
გარეგნულმა სიცივემ და სიჩუმემ
მზეზე მეტი სითბო გამოსცეს.
თუმცა გსიამოვნებდა და სხეულის
თითოეული ნაწილით გრძობდი
ამ ლამაზ სურნელს, მის არსებო-
ბას...
გულმა არ გაგიძლო, წამოეწიე.
შეჩერდა, დახრილი თავი ნელ-ნე-
ლა ახნია, რომელსაც თანდათან
ეფინებოდა ლამპიონების მუქი.
თავი გაასწორა, შენ დაინახე მისი
შველივით ყელი, წითელი ღვინის
მსგავსად არომატული ტუჩები და
სავსე მკურდი. მან ამაყად ჩაგხე-
და თვალეებში...
განათდა... აივინის ღია კართან
ვალს ცეკვავდა თეთრი ფარდა.
გაგეღიმა, სანოლიდან წამოდ-
ეჭი და აივანზე გახვედი. ქუჩას
გახედე, ვიღაც მისიერობა გონ-
დოლით. ოდნავ ისმოდა წყლის
ხმაური, თენდებოდა. მზის პირვე-
ლი სხივიც ამოიწვერა. ღრმად
ჩაისუნთქე და თვალეებიდან წამო-
სული გაბრწყინებული ღიმილით
მისვალმე: „დილა მშვიდობისა,
მთავრობება, ჩემო მუზა, ჩემო
სუნთქვა, ჩემო ვენეცია!“

ჩემი ჰორიზონტი

წა-დი ...
წა-დი ჩე-მი ჰო-რი-ზონ-ტი-
დან ...
მე ჩემს სახეს გული მივაყოლე,
როდესაც შენთვის არაფრისკენ
დავდექი, სადაც შენ მხოლოდ
არაფერს ხედავდი;
მე ღრმად ვსუნთქავდი უსას-
რულობის ჰაერს;
მე ვიბრდებოდი...
გაყინულ დღეებში წვიმის
წვეთები მათობდნენ;
ვცეკვავდი თეთრ ფიფქებად;
ვგრძობდი მზის სინათლის
სუნს;
მე მუდამ ვეყურებდი ჰორი-
ზონტს, სადაც ჩემი ქვეყანა, ჩემი
სახლი იწყებოდა.



არ მინდა ვთოვდე სისხლის-
ფრად.
მე არ ვაპირებ ხეზე ასვლას,
ტყვილად ცდილობ...
შენ
ჩემს გზაზე
არ გაიხარებ.
გაქრი, გაქრი ჩემი ჰორიზონტი-
დან.
დამიბრუნე შემოდგომა,
სივრცე, ჩემი უსასრულობა.
ზავმობიდან მახსენდება ანი-
მაციური ფილმი...
თავს ვგრძობ გელად, რო-
მელიც მუქი ფერებით შემოსაბ-
ღვრულ უბარმაზარ სივრცეშია
გამომწყვდეული.
გამიშვი...
ჩემი სახლი უფრო დიდია.
იქ ამოდის მზე და გვირგვინი
პირველი სხივის ამოწვევასა
იღვიძებენ.
ხის სახლში, ტალღებს ალაგ-
ალაგ შემოაქვს გაფანტული ბა-
ბუნავერა.
დაე, ყორნებმა წაიღონ ჩემში
გადგმული შენი ცნობიერი.
წა-დი ჩემი ჰორიზონტიდან...

შენ...
შენ;
შენ!
შენ მე ბურგიდან მომეპარე და
უხავსო კლდესავით აღიმართე
ჩემსა და ჩემს სახლს შორის.
შენ ჩემი ჰორიზონტი დაჩრდი-
ლე;
ჰაერით, რომელიც მოიყანე,
სიგარეტის მწვეული ადამიანივით
მიბინძურდება ფილტვები.
არ მინდა გავხდე შენი მწვეული.
წა-დი, წა-დი ჩემი ჰორიზონტი-
დან.
მე დამავიწყდა თეთრად გა-
თოვება;

სპორტი

ექიმები არ ხუმრობენ...

გასული წლის ბოლოს თბილისის სახელმწიფო სამედიცინო უნივერსიტეტის ხელოვნურსაფარიან საფეხბურთო მოედანზე წარსულში ცნობილი „დინამოელების“ – ოთარ გაბელიას და დავით მუჯირის – სახელობის მინი-საფეხბურთო ტურნირი გაიმართა, რომელშიც ქართველი მედიკოსებით დაკომპლექტებული საუკეთესო გუნდები მონაწილეობდნენ, კერძოდ: საქართველოს შრომის, ჯანმრთელობის და სოციალური დაცვის სამინისტრო, იაშვილის სახელობის ბავშვთა კლინიკა, „ავერსი“-„გოფარმი“, „ეი-ბი-სი“-„ფარმაცია“, სს კ. ერისთავის სახელობის ექსპერიმენტული და კლინიკური ქირურგიის ეროვნული ცენტრი, კარდიოლოგიური კლინიკა „აბელოფი“, „ასპ“-„ნიუ ჰოსპიტალი“.

საბოლოო გამარჯვება იაშვილის სახელობის გუნდს ხვდა, მესამე ადგილი კი ქირურგიის ეროვნული ცენტრის წარმომადგენლებმა დაიკავეს. მაღლობა გვინდა გადავუხადოთ იაშვილის სახელობის ბავშვთა კლინიკის დირექტორს, ბატონ შოთა ფოგლიძეს და „ავერსი-გოფარმის“ წარმომადგენელს – ბატონ დავით კომბიძეს, აქტიურობისთვის. სხვათა შორის, ორივე გუნდი, ჯანდაცვის სამინისტროს გუნდთან ერთად, თსუ-ის მინი-ფეხბურთის სტადიონზე ვარჯიშობდა და ემზადებოდა. ტურნირის საუკეთესო ფეხბურთელად დასახელდა ზურაბ ძაგანია, საუკეთესო მეკარედ – რევაზ მანჯგალაძე (იაშვილის სახელობის ბავშვთა კლინიკიდან); საუკეთესო ბომბარდირი, ცხრა გატანილი ბურთით, გახდა პაატა მალრაძე („ავერსი“).

ახალი წელი გაპარჯვებით მიულოცავს უნივერსიტეტს ...

2014 წლის 9-25 დეკემბრის ჩათვლით საქართველოს საუნივერსიტეტო სპორტის ფედერაციის, საქართველოს სპორტისა და ახალგაზრდობის საქმეთა სამინისტროს და საქართველოს ფრენბურთის ფედერაციის მხარდაჭერით ჩატარდა სტუდენტური ჩემპიონატი ფრენბურთში (გოგონები და ვაჟები) უმაღლეს სასწავლებლებს შორის. ჩემპიონატში მონაწილეობდა გოგონათა 8 და ვაჟთა – 10 ნაკრები გუნდი. აღსანიშნავია, რომ ქვეჯგუფში სამედიცინო უნივერსიტეტის გოგონათა გუნდმა დაამარცხა თსუ-ის, აგრარული, კავკასიის საერთაშორისო უნივერსიტეტების გუნდები და დაიკავა I ადგილი. ასევე, ვაჟებმა ჯგუფში შეჯიბრება მოუგეს სოხუმის, სუხიშვილის, სეუ-ს და ღია უნივერსიტეტების გუნდებს და მათაც I ადგილი მოიპოვეს. შემდეგ გოგონებმა დაამარცხეს ილიას უნივერსიტეტი, ვაჟებმა კი საქართველოს უნივერსიტეტი. შესაბამისად – ორივე გუნდი გავიდა ფინალში, სადაც ისინი შეხვდნენ სტუ-ს გუნდებს და მათსავე ტერიტორიაზე დაძაბული შეხვედრის შემდეგ მეორე ადგილი დაიკავეს. ამ წარმატებაში დიდი როლი თსუ-ის სპორტის და ხელოვნების ცენტრის სტუდენტთა და პროფესორ-მასწავლებელთა კოორდინატორის, ქ-ნი ზოია ცაგარელის წვლილი, რომელმაც, დაულაღვი შრომის და ყოველდღიური წვრთნის შედეგად, ქართველ და უცხოელ სტუდენტებთან ერთად ჩამოაყალიბა შესანიშნავი კოლექტივი.



სურაჩ სინგი, გუნდის კაპიტანი

ტრადიციის ბრძანება

სამედიცინო უნივერსიტეტში სპორტი, მით უმეტეს, ფეხბურთი, რომ უყვართ, ყველასთვის კარგადაა ცნობილი... უკვე რამდენი ათეული წელია, ჩვენი უმაღლესი სასწავლებელი აქტიური სპორტული ცხოვრებით ცხოვრობს. ასეა დღესაც, ამაში განსაკუთრებულია ბატონი რექტორის, პროფესორ ზურაბ ვადაჭკორიას, ყურადღება და თანადგომა დარგის მესვეურებისა და სტუდენტებისადმი – წარსულში თვითონ აქტიური სპორტსმენი, ბატონი ზურაბი, ყოველთვის გულისხმიერი დამოკიდებულებით გამოირჩეოდა კოლეგების და სტუდენტებისადმი და, ვფიქრობთ, ტრადიცია სამომავლოდაც შენარჩუნდება... წერილი, რომელიც ისევ და ისევ სპორტის სიყვარულმა დამაწერინა, მსურს წარსულის გახსენებას მივუძღვნა, როდესაც სამედიცინო ინსტიტუტში (უნივერსიტეტში) უფრო მძლავრად სცემდა სპორტული მაჯისცემა, რაც ამჟამად, ჩვენგან დამოუკიდებელი გარემოებების გამო, შესუსტებულია... კარგად გვახსოვს, რომ არცთუ შორეულ წარსულში შეჯიბრებები ტარდებოდა სპორტის სხვადასხვა სახეობაში, არა მარტო სტუდენტებს, პროფესორ-მასწავლებელთა შორისაც. განსაკუთრებული პოპულარობით გამოირჩეოდა მინი საფეხბურთო ტურნირები – ჩვენი პროფესორ-მასწავლებლები დიდ ენერჯის აქსოვდნენ ყოველ მატჩში და შესანიშნავი თამაშით ამასოვრებდნენ კიდევ თავს მაყურებელს... მსურს ყველა მათგანის შესახებ აღვნიშნო – სამკურნალო ფაკულტეტის გუნდის შემადგენლობაში თამაშობდნენ – დეკანი ნუკრი ნემსინვერიძე, ასევე: – ნოდარ ბაქრაძე, სერგო თაბაგარი, გოგი სურგულაძე, გელა სულაბერიძე, გოჩა ინგოროყვა, ავთანდილ ისაკაძე, თამაზ ჩხიკვაძე და გუნდის კაპიტანი თემურ მახარაძე. პედატრთა შორის გამოირჩეოდნენ – დეკანი გივი ყვანია, ასევე: – გედი გელაბანი, ვოვა ზარდალიშვილი, დავით მანჯგალაძე, დავით ჩეკურიძე, გოგი ჩახუნაშვილი, მერაბ მალაქაძე და გუნდის კაპიტანი ირაკლი ქართველიძე. სტომატოლოგიური ფაკულტეტი ასეთი შემადგენლობით იყო და-

კომპლექტებული: დეკანი ავთანდილ საყვარელიძე, ასევე – ზურაბ საყვარელიძე, ზურაბ გვენეტაძე, კოკი კეკელიძე, ზურაბ ვადაჭკორია და გუნდის კაპიტანი დავით შენგელია. სანიტარულ-ჰიგიენური ფაკულტეტიდან აქტიურობდნენ – დეკანი გივი კვანჭახაძე და მოთამაშეები: – კუკური გიორგაძე, ალექსანდრე მთვარაძე, ავთანდილ მიქაბერიძე, ბიძინა ზურაშვილი, სოლომონ ნოზაძე, თამაზ გელოვანი და გუნდის კაპიტანი პავლე კასრაძე, ფარმაცევტებიდან კი – დეკანი რომან მახარაძე და

ბელთა, ასისტენტთა თუ ლაბორანტთა აქტიური მონაწილეობით, თავიანთ შესაძლებლობას რომ ცდიდნენ ჭადრაკსა და ნარდში, კალათბურთსა და ფრენბურთში, ჩოგბურთსა თუ ბადმინტონში, ცურვასა და მძლეოსნობაში... ამასთან, აღვნიშნავთ, რომ თავიანთი რექტორობის პერიოდში აქტიურობით გამოირჩეოდნენ ჩვენი უმაღლესი სასწავლებლის ხელმძღვანელები, ბატონები: კონსტანტინე ვირსალაძე, ოთარ ლუდუშაური, არჩილ ასათიანი და რამაზ ხეცურიანი. ისევ ფეხბურთს მივუბრუნდებით,

„მენდა“ („მედიცინა“, „ნექტარი“ და „დასტაქარი“) შეიქმნა. მუდამაყვება იმის აღნიშვნა, რომ დაარსებიდან მალე, თსუ-ის პროფესორ-მასწავლებელთა საფეხბურთო ნაკრებმა რესპუბლიკის ანალოგიური სახის გუნდებს შორის პირველობა არავის დაუთმო, რაც გუნდის მთელი შემადგენლობის უდიდესი პასუხისმგებლობით, საქმისადმი გულისხმიერი დამოკიდებულებით და საფეხბურთო დისციპლინით მიიღწეოდა. 1987 წელს, ჩვენმა გუნდმა, ამიერკავკასიის უმაღლესი სასწავლებლების სპარტაკიადაზე ბურთის გადაცემის კულტურით, ამიტომაც ხშირად გამარჯვებულნი ტოვებდნენ მოედანს. გასული წლის დეკემბერში კი თსუ-ის პროფესორ-მასწავლებელთა მინი-საფეხბურთო ნაკრები 30 წლის გახდა, ამიტომ გვსურს გუნდის ვეტერანებს, ბატონებს: დავით შენგელიას, თემურ მახარაძეს, პალიკო კასრაძეს, ზურაბ ფხალაძეს, ვახტანგ ბაქანიძეს, ირაკლი ქართველიძეს, მერაბ მალაქაძეს, სოლომონ ნოზაძეს, დავით მანჯგალაძეს, მერაბ კოვზირიძეს, გოგი ჩახუნაშვილს, ავთო მიქაბერიძეს, თამაზ გელოვანს, საიუბილეო თარიღი მივულოცოთ საუკეთესო სურვილებით. სწორედ, ამ საიუბილეო თარიღთან დაკავშირებით, თსუ-ის სტუდენტური თვითმმართველობის ორგანიზებით, სპორტის და ხელოვნების ცენტრის დირექტორის, ბატონი ზურაბ ფხალაძის, თანადგომით და ჩვენი ინიციატივით, გადაწყდა, აღნიშნული გუნდის ღვანღმოსილი აქტიური მოთამაშეების, ბატონების – თამაზ გელოვანის, ზურაბ გვენეტაძის და ჯემალ მონიავას – სახელობის ტურნირი გაგვემართა სტუდენტებს შორის. ტურნირში, რომელიც წრიული სისტემით წარიმართა, თსუ-ის 8 საუკეთესო გუნდმა მიიღო მონაწილეობა; ფინალში გამარჯვებული გუნდები – „ნიგერია“ და „რეალი“ – შეხვდნენ ერთმანეთს, სადაც გამარჯვება ნიგერიელებმა მოიპოვეს; მათ გუნდში თსუ-ის ფეხბურთელთა ნაკრების კაპიტანი დავით შენგელია და, ასევე, ზვიად ბლიაძე თამაშობდნენ. ტურნირის საუკეთესო მეკარედ გიორგი კიკნაძე დაასახელეს („რეალი“), საუკეთესო ფეხბურთელად – კლიფ-ნჯაპვერეოვაჯი, ხოლო ბომბარდირად – ერხან ჩეთინი (7 ბურთის ავტორი). ტრადიცია გრძელდება. იმედი, სამედიცინო უნივერსიტეტის პროფესორ-მასწავლებლები არაერთ სასახლო ფურცელს ჩაწერენ საუნივერსიტეტო სპორტის ისტორიაში.



მისი კოლეგები – თამაზ მურთაზაშვილი, გია გერგიძე, ჯემალ მონიავა, ჯუმბერ კუჭუხიძე, გუნდის კაპიტანი – დავით ჯინჭარაძე. ამასთან, მინდა აღვნიშნო, რომ გასული საუკუნის 80-იან წლებში თსუ-ის ფიზიკური კულტურისა და სპორტის კათედრის (გამგე, ბატონი გიზო დოლიძე) თაოსნობით, არაერთი საინტერესო ღონისძიება იმართებოდა პროფესორ-მასწავლებ-

როდესაც გადწყდა პროფესორ-მასწავლებელთა ნაკრები გუნდი ჩამოგვეყალიბებინა, მწვრთნელ-მოთამაშის სტატუსი მე შევითავსე, გუნდის უფროსად თამაზ გელოვანი დაინიშნა, კაპიტნად – ირაკლი ქართველიშვილი, რომელიც შემდეგში თემურ მახარაძემ ჩაანაცვლა. მალე საფეხბურთო კლუბიც ჩამოვაყალიბეთ გოგი ჩახუნაშვილის პრეზიდენტობით; კლუბის სახელწოდებად

პირველი ადგილი და ჩემპიონის წოდება მოიპოვა. შემდეგ კი არაერთი მატჩი გაგმართეთ რესპუბლიკის ქალაქებში, რომლებიც, ძირითადად, ჩვენი გუნდის უპირატესობით სრულდებოდა. აღსანიშნავია, რომ ჩვენი ინსტიტუტის (უნივერსიტეტის) პროფესორ-მასწავლებელთა ფეხბურთის ნაკრების წევრები ყოველთვის გამოირჩეოდნენ გონიერებით, სწრაფი აზროვნებით და ხედვით,

ვახტანგ ბაქანიძე, თსუ-ის პროფესორ-მასწავლებელთა ფეხბურთის ნაკრები გუნდის მწვრთნელი-მოთამაშე, საქართველოს სპორტის დამსახურებული მოღვაწე